



Vigleik Vabø
Fonnebostvegen 293
5955 Lindås

Referansar:
Dykkar:
Vår: 22/6571 - 22/77764

Sakshandsamar:
Svein Arne Vågane
svein.arne.vagane@alver.kommune.no

Dato:
27.10.2022

Løyve til bygging av landbruksveg på gbnr. 106, bnr. 12 Kolåsvika Fanebust i Alver kommune

Administrativt vedtak: Saknr: 1208/22

VEDTAK:

Med heimel i forskrift om planlegging og godkjenning av landbruksvegar gjev Alver kommune Vigleik Vabø løyve til å byggje landbruksveg som omsøkt på gnr. 106, bnr. 12 i Alver kommune. Vedtaket er tuffa på ei vurdering etter naturmangfaldslova 8-12 jf. §7 og § 3-2 i landbruksvegforskrifta. Grunngevinga av vedtaket går fram av saksutgreiinga.

Vilkår:

- Om det kjem fram kulturminne under arbeidet skal arbeidet stogkast omgåande og Vestland fylkeskommune, seksjon for kultur varslast.
- Undr arbeidet må ein søkje å unngå inngrep i eller skade på eventuelle kulturlandskapstrekk som steingardar. Eldre vegar/stiar, bakkemurar, tufter med meir.
- Vedtaket er gyldig til 01.11.2025 og tiltaket må vere ferdig innan 01.11.2026

Om ikkje arbeidet er sett i gong innan fristen for løyvet, fell løyvet bort jf. landbruksveg-forskrifta § 3-2.

Saka gjeld [sett inn det som passar for type sak]

Vigleik Vabø søker om å byggje vegklasse 8 - enkel traktorveg - på gnr. 106, bnr. 12 i Alver. Vegen vil verte om lag 200 m og dekningsområde er omtrent 30 daa der 30 daa er produktiv skog. Uttak skog i m³ er ikkje oppgjeve. I tillegg gjev vegen tilkomst til kommunal/privat vassleidning. Endeleg vil vegen utløyse tilkomst til sauebeite.

Vegen vil gå over myr og område med produktiv skog.

Det vert ikkje køyrt til eksterne massar til veganlegget. Om det er trong for det, vil søkjar sprengje ut stein frå eit fjellparti nær driftsbygningen, noko som vil gje meir plass der.

VURDERING:

Formålet med landbruksvegforskrifta er å sikre at planlegging og bygging av landbruksvegar vert gjort på ein måte som gjev best moglege heilskapsløysingar. Samstundes skal det leggjast vekt på omsynet til miljøverdiar som naturmangfald, landskap, kulturminne og friluftsliv, omsynet til fare for flaum, erosjon og lausmasseskred og endeleg andre interesser som vert råka av vegframføringa.

Søkjar driv med sau. Vegen gjev tilkomst til utmarksbeite som kan opparbeidast til betre beite. Vi minner om at innmarksbeite må godkjennast. Det gjeld òg spreing av husdyrgjødsel på slikt areal. Det står òg noko skog i området. Dette er for det meste ungskog og med vekslende alder og artar.



Fig. 1. Tilkomsten til vegen startar ved eit hyttebygg som høyrer til eigedomen.



Fig. 2. Eit par stader finn ein nokre bergnakkar som kan vere aktuelt å sprengje noko ned.



Fig. 3. Vegen skal avsluttast i skogholtet i biletet og før ein kjem fram til kommunal veg.

Prinsippa i §§ 8-12 i naturmangfaldslova er lagt til grunn ved vurdering av vedtaket. Det er særleg lagt vekt på berekraftig bruk og vern av naturmangfald der den samla belastninga for økosystemet vert vurdert både på staden, men og i ein større samanheng. Kommunen har mellom anna søkt i naturbasen (via gardskart) og artsdatabanken. Det er ikkje gjort funn i traséen eller kringliggjande område.

Søknaden har vore sendt på høyring til Vestland fylkeskommune, Statsforvaltaren i Vestland og Alver kommune, kultur.

Vestland fylkeskommune kan ikkje sjå at traséen kjem i direkte konflikt med kjente automatisk freda kulturminne.

Fylkeskommunen har difor ingen avgjerande merknader utover at ein under arbeidet søkje å unngå inngrep/skade på eventuelle kulturlandskapstrekk som steingardar, eldre vegar/stiar, bakkemurar, tufter med meir.

Fylkeskommunen syner òg til meldeplikta etter kulturminnelova § 8, 2.ledd. Dersom automatisk freda kulturminne som gjenstandsfunn, flekkar med trekol eller konstruksjonar vert avdekt under arbeidet, må dette straks meldast til Vestland fylkeskommune. Alt arbeid må då stogkast til rette forvaltningsmynde har vurdert funnet. Eventuell gransking vil verte gjennomført mindre enn 3 dagar etter melding om mogleg funn.

Statsforvaltaren har gjort ein kort vurdering av både miljø- og landbruksinteressene. Statsforvaltaren har ingen merknad til søknaden. Heile veganlegget ligg på bnr. 12 og det er ikkje naudsynt med å avklare privatrettslege tilhøve.

Etter ei samla vurdering finn kommunen at søknaden kan komast i møte.

Regelverk

- Forskrift om planlegging og godkjenning av landbruksvegar.
- Naturmangfaldslova
- Forvaltningslova

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: «22/6571»

Med venleg helsing
Alver kommune, Landbruk

Laila Bjørge
Avdelingsleiar

Svein Arne Vågane
Rådgjevar

Dette dokumentet er elektronisk godkjent og har difor ingen signatur.

Mottakarar:

Vigleik Vabø

Fonnebostvegen 293

5955

Lindås